

Apréi oûna böna choûa

Y a-t-i- càquye tsoûja û moûndo de méi bon que de pachâ de böna vouârbe de tortö da tâbla, à mindjyë, à agotâ, à gœudî, à crouchî. Pâ tröpa.

Y a-t-i- càquye tsoûja û moûndo de méi agnœu que de che remètre ën rötâ û bën û traô apréi oûna böna é grôcha choûa? Chouéramin pâ!

Éj oun dèjon qu'i fartsoun ét i méi dû à dedzirî, à coûja dû bacon, da tséi fougâyê, di tsou, di pèrvuî é di tère, to chin couë derën à fartsounîre.

D'âtre pretîndon qu'êt i raclèta que bâle estoûma méi pejan, méi de to apréi à quiënjyèma. Éi oun coujën bâ ën Fey que me dejei o indeman d'oûna raclèta, qu'é trînte-chi darîre ey aan rabouyâ estoûma.

Y a de hlœu qu'an méi de péyna avouë à tséi rözda, hlà qu'oun mëndze chin achyë griyë, "saignante" û " bleue" coûme dèjon é franché.

Chin voje parlâ di guyenëfle, di rûtskyë, da toûrta dû bë û bën di pateron.

M'ënchouîgno can vouajö à écoûa, apréi que n'ouchan ressitâ é lësson de myë-dzo, i rejan noje bâyée de traô à marcâ. Yuî che mëtey û pûpitro po coridjyë é cayè, a man cho fron. Oun avouîjei vouatâ é motse.

Mûrî Metseë

Maurice Michelet, janvier 1998